

حیات

میانہ رانما میانہ... دنیاہ راہا ہرور میانہ قاتالم!...

ادارہ مرکزی :

آقراہدہ ، استانبول جادہ سندہ آقراہ
معارف امینلکی پائندہ کی دائرہ

استانبول بوروسی :

استانبولہ ، باب عالی جادہ سندہ وسیلی پرشنبہ
ادارہ خانہ سی داخلندہ کی دائرہ
تلفون : ۳۶۰۷

نسخہ سی ہربرہ ۱۰ غروشدہ .

سہلکی پوستہ ایلہ ۵ لیرا .
(اجنبی مملکتلر ایچین ۵ دولار) .

اہونہ واعلان ایشلری ایچین استانبول بوروسنہ
مراجعت ایدیلیر .
یازی ایشلرینلک مرجعی آقراہ مرکزیدر .

صافی : ۵

آقراہ ، ۳۰ کانون اول ، ۱۹۲۶

۱ نجی جلد

صاحبہ

شرق ولایتلریز و کنجلمک

تورک طور پراقلرینک بالخاصہ بر قسمی وارد کرک
سنہ لرحہ متروک پراقلماسی یوزندن ہنوز وطنک
دیگر جزو لری سویہ سنہ بیلہ کلہ مہ مشدر . بوراسی
شرق ولایتلریزدر . یاقین زمانہ قادر اورادہ
قرون وسطادن قالان درہ بکلک تشکیلاتی حکم
سورویوردی . حالا اورادہ مکتب یوزی
کورمہ مش ، تورک عرفانی کیرمہ مش قصبہ لری
وار . یولسزلق ، جہالت بورادہ غربی ووسطی
انادولیدن آیری بر نوع اجتماعی و اقتصادی
وضعیت تولیدایتدی ... بویوزدن ملی وحدت مزہ
اویغون اولمایان حسلرہ ، حرکتہ مساعد بر زمین
وجودہ کلدی . اورالرک اجنبی تحریکاتہدہ یاقین
اولدیغنی کوز اوکنہ کتیر بر سہ کز تہلکہ نک اہمیتنی
در حال اکلارسیکنز .

بو تہلکہ لرقارشیندہ تورک کنجلمک ترتب
ایدن وظیفہ چوق بویوکر . شیمدی یہ قادر
وطنک اوزاق و ہجرا بر کوشہ سی عد ایدیلن
بویرلرہ تورک حرثی کوتورمک مجبوریتندہ یز .
بو ہم ملی ، ہم انسانی بر مکلفیتدر . ہیچ شبہ
یوق کہ تورک وطنندہ تام و حقیقی بروحدت آنجق
اورادہ کی تورک قصبہ لری نہ عرفان کیردیکی زمان
حصولہ کلہ جکدر . بونی تأمین ایلہ مک بزم ایچون
بربور جدر . دیگر جہتدن مملکتک بو پارچہ سندہ
باشایان وطنداشلر قارا کلک ایچندہ قالمشلردر .
بونلری تورلو تورلو تحکمدن ، تحریکلردن
قورتارمق ، مدنیت یولندہ وطنک دیگر اقسامیلہ
برابر یورویہ جک حالہ کتیرمک دہ عینی زماندہ
اک یوکسک انسانی بر وظیفہدر .

تورک کنجلمک شیمدی یہ قادر بو ولایتلردہ
لایقیلہ چالیشاماسنک مختلف سییلری وار .
بر کرہ بیک غائلہ اونی بو شرفلی ایشدن
آلیقویوردی . وطنک مدافعہ سنہ قوشمقدن
تورک عرفانی یایمغہ وقت بولامامشدی .
استقلال ظفری مملکتی بو غائلہ لردن قورتاردی
شیمدی کنجلمک وظیفہ سی نہ قادر کوچ ، نہ قادر
چتین اولورسہ اولسون ، تورک وطنک اک ہجرا
کوشہ سنہ قادر عرفان ومدنیت صوفقدر .

بونک ایچون بر کرہ کنجلمک ہیجانلہ مترافق
بر علم ، عملہ مؤثر معلومات لازمدر . بوتون تدریس
مؤسسہ لریز ، معلم مکتبلری ، لیسہ لری ، دار .
الفنونمز بوغایہ ایچون چالیشمالیدرلر . بزدہ یاقین
زمانہ قادر تدریس طرزی دائما بعض معلوماتی
اوکرہ تمک شکندہ ایدی . حالبوکہ کنجلمک
ویرہ جکمز معلوماتک قیمتی اونلردہ قوتلی عمل
شعورلی حرکت تولید ایتہ سیلہ اولچولور . اگر
بریلکی سزی یکی بر طرز حرکتہ ، یکی بر
استقامتہ سوق ایلہ میور ، پاخوداسکی قناعتلریکزی ،
توجہ ایتدیجکمز استقامتی تأیید ایدہر ماہیتدہ
بولونمایورسہ اونک سزہ ہیچ بر فائدہ سی یوقدر
یاخود سزک ایچون او ، بر « حقیقت » دکدر .
ہر نوع تدریسدن مقصد « حقیقت » لر تلقیندر .
اوحالہ تدریس ایلہ جکمز بیلکی کنجلمک
حرکتانہ شعورلی براستقامت ویرمیدر . بونک
ایچون ہر درجہ تدریسات کنجلمک یالکمز مجرد
مفہوملر تلقینندن عبارت قالماملی ، ارادہ یہ مؤثر
وہیجانلہ مترافق اولمالی و کنجلمک اک چوق
مؤثر اولاییلہ جکمز محیط یعنی مملکت محوری
اطرافندہ جریان ایلہ ملیدر . بویلہ بر علم فعال ،
ارادہ لی کنجلمک یتیشدیرر ، بوکنجلمک محیطلری نہ

مؤثر اولملق احتیاجنی دیوارلر . بو احتیاجک تطمین
ایچون اک کوزل ساحہ البتہ شرقی آنادولیدر .
دینہ جک کہ اورادہ خدمت بر چوق محرومیتلر
بہاسنہ اولیور . بو محرومیتلرہ تحمل کوچدر .
ایشتہ اصل کنج رو حلری جلب ایلہ جک سائق
بو کوچلکدر . مفکورہ ، اوزون جداللہ تحقق
ایدہ بیلہ جک فکرلردر . بویلہ اولدینی ایچوندر کہ
تحقق ایلدیکی زمان اک بویوک ذوق ونشہ یی ویرر .
محرومیت و کوچلک قارشیندہ وظیفہ یہ لندن
قاجانلر حیاتک حقیقی معناسی ، سعادت آکلا .
مایانلردر . بر قسم انسانلر سعادت سی سادہ جہ کلوب
کچیجی حظدہ وسلون ایچندہ آرارلر . بونلر
انسانی حیاتی وسعادتک معناسی بیلہ یتلردر .
حقیقی سعادت طبیعتہ وجعیتہ مؤثر اولدیغمز ،
انسانی بر ابداع وجودہ کتیردیجکمز زمانلردہ
حسن اولونور . بوکی حالردہ دویدیغمز سادہ جہ
حظ plaisir دکل ، سرور Joie در . بیلملی یزکہ مادی
حظلر موقدرلر . اصل انسان اک بویوک سعادت
سرور دہ حسن ایدر . سرور عضویتہ دہا آز
مربوط اولدینی ایچون حظدن دہا سورہ کلی ،
دہا غیر فائیدر . یکی بر اثر ابداع ایلہ یں ، طبیعت
وجعیت اوزرینہ مؤثر اولان انسانلرک روحلرنہ
دویدقلری امثالسز ذوقلردر کہ سعادت وجودہ
کتیرر . حیاتک حقیقی غایہ سی بونوع سرورلری
دویمقدر . کنجلمک ارادقلری « سعادت » دہ
بو اولمالیدر . چوق یازیق کہ بر طاقم انسانلر بو
نشہ یی بیلہ دکلمی ایچون سعادت سی مادی حظلردہ
کورویورلر ، اطرافندہ کی انسانلری دہ یالکمز
بونک آرقاسندہ قوشمغہ دعوت ایدیورلر .
حالبوکہ بو نوع حظلرلہ حقیقی انسان روحی
تطمین اولوناماز . تورک معلملری کنجلمک سعادت

اقتصادیات

سربست منطقه

مطالبات برای معادل طواری سربست منطقه در
زیاده سربست آنترپو فکریه نمایل اتملی

تجارت و کالنتک تشبیهی اوزرینه علاقه دار و کالنتله تجارت اوطه سی ممثلرندن مرکب اوله رق تشکل ایدن بر قومیسون استانبوله بر سربست منطقه احدائی حقنده تدقیقاتده بولونقده در . بو قومیسون هنوز وظیفه سی ا کمال اتمه مش ، اساسلر حقنده بر قرار اتخاذه ایللمه مشدر . حقیقه کیفیتک درین تدقیقاته شایان نقطه لری واردر . بو درینلکله کیرمک ادعاسندن جوق اوزاق اوله رق بوکون بو نقطه لر اوزرنده بر آرتوق ایتمک ایسته رز .

زماغزده سربست منطقه مسئله سیله اشتغال ایدن یالکیز بزدکلز . بومسله فرانسه تقریباً ۲۰-۳۰ سنه دن بری موضوع بحث اولدینی حالده هنوز مثبت بر نتیجه یه اقترا ن ایللمه مشدر . ایتالیا ده جنوه بی تام بر سربست منطقه حاله کتیرمک تمایلاتی واردر . رومانی طونه منصبنده بر سربست منطقه احدائیه مهم بر تجارت مرکزینه مالک اولق تصوراتی پرورده ایتمکده در . یونانستان ده سربست منطقه صرستان لهنه احداث ایتدیکی سربست منطقه بی عمومی بر ترانسیت مرکزی حاله کتیرمک ایسته مکده و دیگر طرفدن پیره ده آبری بر منطقه احداثی دوشونمکده در .

تاریخاً تدقیق ایدلمه جک اولورسه سربست منطقه نك Zône franche ابتدا ک واسع معناسیله بر سربست شهر ville franche حالنده دوغدینی کورولور . بر ایکی مفهوم یکدیگرینک عینی دکلدر . سربست شهر بوتون کمرک ، تکالیف و مراسمندن آزاده ، تمامیه (خارج از کمرک) معامله سی کورهن اورادن مملکتک اقسام سائرهنه واقع اوله جق ادخالات، اجنبی ادخالاتی معامله سنه تابع طو تولان بر شهر دیمکدر . اوروپاده ۱۶ نجی عصر دن بری ، ابتدا بحر سفید ساحلنده ، بوتون شهرلر تشکل ایتمشدر . ابلک تشکل ایدن سربست شهرک ۱۵۴۷ ده (لیورنو) اولدینی ظن ایدلمکده در . بالآخره ، ۱۷ نجی عصرده سربست شهرلر دها زیاده بالطق ساحلرنده اخذ موقع ایتش ، ابتدا آلتونا ، اونی متعاقب هامبورغ ، برهم ، لوبه ک ، هانسه آتیک شهرلری سربست لیان موقعنه ارتقا ایللمه مشدر . بوندن سوکره قونپهاغ و قرستیانیا بومیانه داخل اولشلردر .

آلمان سربست شهرلرینک تکاملی تماماً ۱۸ نجی عصر ایتچنده در . هامبورغ ابتدا ترانسیت رسوم و صارفنک تزیلی سیاستیه ایشه باشلامش و بالآخره سربست شهر حالی آلمشدر . ۱۸۳۳ ده (زوالفراین) نامنی آلان کمرک

اتحادیه بوکونکی بیوک صنایع آلمانیانک تملری قورولمغه باشلادینی زمان ، سربست لیان فواید عظیمه سنه رغماً ، آلمانیایه کمرک کران کلکله باشلامش و بورالرنک ده کمرک اتحادیه ادخال هر طرفدن تمی ایدلمشدر . بالخاصه ۱۹ نجی عصرک نصف اخیرنده آلمانیا اصول حمایه تطبیقاتی ایلری کونوردیکی زمان سربست لیانلرک ، تماماً اصول سربستی ایتچنده قاهره مملکتک سائر طرفلرینه رقیب وضعیتی آلماسی ، و بوضورتله اصول حمایه نك شدتی تخفیف ایللمه سی بوباده ک حقی شکایاته میدان آچمشدی . سربست شهرلرک بلا قید و شرط زولفراینه ادخال خصوصنده باشلایان مجادلات بالنتیجه بورالرده بر سربست منطقه تفریقیه خارج از کمرک معامله سنک یالکیز بومنتقه یه تطبیق خصوصه منجر اولمش و شهر و لیانلرک اقسام سائرهنه سی تمامیه مملکتک کمرک جنبری ایتچینه ایللمشدر . بو منطقه لریک احداثی ۱۸۸۱-۱۸۸۴ تاریخلرنده در .

سربست منطقه لرده عمومیتله اقامت ایدلمز ، استهلاک اشیا سی صانه جق هیچ بر دکان و مؤسسه بولماز . بورالری یالکیز تجاری آنترپولرله بالخاصه اخراجات ایتچون اعمالاده بولنان بعض مؤسسات صنایعیه مخصوصدر . هامبورغه لیانک بوقسمی قنالر و متعدد کوپرولر واسطه سیله شهرک اقسام سائرهنه ریط ایدلمش اولوب کمرک اداره سی طرفدن غایت صبی بر محافظه قوردونی آلتنه آلمشدر . بوکون آلمانیا ده هامبورغدن باشقه ایتکچی درجه ده اوله رق برهنه اوجنچی درجه ده ده لوبه ق ، اشته تن و فلنسبورغه اولق اوزره بش سربست منطقه موجوددر . بحر سفیده جنوه و ترسته لیانلرنده کی سربست محللر ، ایتچنده عمومیتله فابریقاسون اجرا اولونمادیقندن دولای ، سربست منطقه دن زیاده سربست آنترپو وصفنه لایقدر . انکلتزده ده بو اعتباریه ؛ باشند باشه بر سربست آنترپو محللدر . سربست شهر اطلاقه سزا اوله رق ، شهر خلقنکده معافیت رسمیه دن استفاده ایتدیکی بر ، انجق کوجوک جبل الطارق شهریدر .

سربست منطقه بر مملکتده ترانسیت تجارتی توسیع ایتک ایتچون مراجعت اولنان واسطه لریک اک مکملدر . ۱۹ نجی عصرک نصف اخیرنده اوروپاده اکثر مملکتلر کندی موجودیت اقتصادیه لرینی ترصین ایتک ایتچون ، اصول حمایه یه یعنی کمرکلر واسطه سیله مملکتک صنایعک تقویه سی اصوله کرمی و بر دکلری زمان بونک دیگر طرفدن ترانسیت تجارتی وعینی زمانده تجارت بین المللی بالاطلاعه مساعد اولدینی ده ادراک ایتکله باشلامشدر .

ترانسیت اشیا سنک ، یعنی مملکتده صرف ایدلمه یوب آز جوق بر اقامتدن سوکره اوراده اولدینی کی چیقاجق اولان ماللرک ، کمرک رسمنه تابع طو تولاسیه یه ، قاجقانی تصعب ایتچون عینی مراسم رسمیه یه معروض بر ایللماسی اجنبیلری ممکن اولدینی قدر اک سربست بوللری آرامغه سوق ایدم . جک بر کیفیتدی . معافیه اصول حمایه یالکیز کچیجی اشیا نك توقفه مانع اولماور . عینی زمانده اجنبی مواد ابتدائیه سندن معمولانده بولنه رق بونلرک

تکرار اخراج ایدلمس ده کوجلشدیریوردی . اجنبیلرک آغیر کمرک رسمنه تابع مواد ایلله یایلمش اولان اشیا بی بهالی فیثاتله صانتین المقیایسته میه جکلری ک طبیعیدر . بونلری داخل مملکتده ، کمرک رسومک تحت حمایه سننده اوله رق صانتدیغمز کی خارجده صانتانک امکانی یوقدر . ایتشه بوتون بو شکلاتی رفع هیچ اولمازسه تخفیف ایتک ایتچون دولتر صره سیله رد رسوم ویا دراوباق ، قبول وقت و ترانسیت آنترپوسی اصوللرینه مراجعت ایتشلردر . رد رسموده آلتان کمرک رسمی اوامته نك حالیه ویا مواد معموله شکلنده حین اخراجنده اعاده ایدیلر . بونک دها متکاملی اولان قبول موقتده ایسه هیچ رسم آلتیه رق ، اموال آلتی آی ویا برهنه کی مدتلر طرفنده عیناً ویا معادلاً اخراج ایدلمک شرطیه کفالتله امرار اولور . ترانسیت آنترپولرینه کلنجه : بورالره وضع اولنان امتعه ایتچون هیچ رسم طلب ایدلمز . بالآخره مالی تکرار اخراج ایدیلرکن انجق ارضیه و نقلیه مصارفی کی بعض مصرف اخذ واکر داخله سوق ایدلمه جک اولورسه اوزمان مراسم رسمیه سی ا کمال ایدلمه لریک کمرک ویرکیسی استیفا ایدیلر . بوتون بونلر ترانسیت و بین الملل تجارتلری توسیع ایتچون قبول ایدلمش اولان تدبیرلردر . یالکیز ایسته نیان مقصدی تأمینیه کفایت ایدمه مکده در . چونکه تجارتیه اصل کران کلن کیفیت ، ک جزئی اولان - اکثریا هیچ موجود اولیان - ترانسیت و بالنبه خفیف اولان مواد ابتدائیه ویرکیسندن زیاده هر مملکت کرکارنده موجود اولان نهایتسر مراسم و معاملات رسمیه در . بونلرک تضییق واستیلا کار ماهیتی ارباب تجارتیه کوز آجدر مامقده ، بر جوق مصارف اختیارینه ، بر جوق قیمتدار و قتلرک ضیاعنه سببیت ویرمکده در . بوندن دولای ترانسیت تجارتی دائماً دها سربست محیطلره دوغور و قاجقده ، تکرار اخراج ایتچون ادخال امکانلری آزالقده در .

ایسته سربست منطقه اصولی یوقاریده کی سهولتلی برقات دها آرتیرمق ، تجارتک محتاج اولدینی سربست محیطی صنایع بر صورتده وجوده کتیرمک اعتباریه مهم بر اثر ترقیدر .

سربست منطقه لر عمومیتله غایت مکمل تحمیل و تخلیه ترتیباتی حائر اولان لیان پارچه لریدر . واپورلر بورایه کلدیکی زمان مراسم رسمیه یه حاجت قالمسزین و یا خود یالکیز بر اخبار قیدیه ، هان تحمیل و تخلیه یه باشلار ؛ ماللر ، بورالرده تشکل ایتش اولان نقلیه شرکتلری واسطه سیله ، هر درلو تأمینات و تسهیلاتی حائر آنترپولره تسلیم اولنور . بو ماللر عمومیتله هنوز قطعی اوله رق سوق اولنه جنی محل معلوم اولیان امتعه در . بونلر بوراده اوزون ویا قیصه برمدت قاهره جق انجق صانتیلرلری زمان داخله ویا خارجه سوق ایدلمه جکدر . اقصابی شرقک مثلاً ژاپونیا ویا چینک اکثر امتعه سی اوروپایه دوغورودن دوغرویه مخرجلرندن دکل آلمانیا بالخاصه انکلتزده لیانلرندن سوق ایدلمکده در . علی الاکثر بو امتعه بورالرده اولدینی کی ده قالماز . دنکلر بالیه لر صندوقلر

آجيلير مال تفريق تصنيف ويا تعمير ايديلير، يکيدن باليله ياييلير واوندن صوکره کونده ريلير . بونلر عادى و اوکا کوره تربياتى بولتيان آنترپولرده ياييله ميه جق شيلردر .

لکن سربست ليانده ياييلان معاملات يالکز بونلردن ده عبارت ده دکلدردر . بوراده بالفعل اعمالات ده ممکندر . بيوک مقياسده واقع اولاجق اعمالات ايچون بورالرده فابريقلر آجيلير . بر جوق عمله استخدام ايديلير، بوسورتله بومحلالرده يالکز ده بولردکل عيني زمانده برمحيط صناعتى وجوده کتيريلش اولور . بالخاصه استهلاك و برکيلرى وارداتنک حقيله تأميني ايچون اعمالى داخل مملکتده پک جوق تضيقات و تحديدهات تابع طولايى اسيرتو و توتون کي بعضى موادک دخی سربست صورته ايشله نيلمه سى ممکن اولور . تجربه بوکي يرلرده صنايع بحريه نك کمى و سائر مراکب انشاآتک ده بيوک برتوسعه مظهر اولديغنى کوسترمشدر .

لکن سربست منطقه لر تأسيس ايديله ييله جک صنايعى ، بوکونكى تطبيقاته کوره، فضله اعظام ايمه . مک ايجاب ايدر . دنيا ده کي سربست منطقه لرك اک مکلى هامبورغه ده . بوراده ده صنايع اعماليه مؤسسانتک مقدارى پک محدود و يوقاريدده سويله ديکمز کي بالخاصه اسيرتوجيلىق و صنايع بحريه کي برق اچ نوجه خاصدر . بونک سببى بولق مشکل دکلدردر . صنايعک جمله سى بر جوق وضعيات طبيعه و اقليمه ايله محاطدر . هر برده اومحاک کندی استعدادينه اک موافق صنايع تأسيس ايدر . بوشرايط محيطيه يي سربست منطقه ده عينا وجوده کتيرمک على الا کتر ممکن اولماز . سربست منطقه لرك احداث اينديکي محيط نه قدر مساعد اولورسه اولسون مثلا صنايع حديدیه دائما کومور و ديمير معدنلرى ياقيننده، شکر فابريقلر ده بانجار زراعتنک متوسع اولدينى يرلرده تشکيل ايدده جکدر . بونلرى اولديغنى کي سربست منطقه يه نقل ايمه نك امکاني يوقدر .

سربست منطقه لرده صنايع جديده وجوده کله سى حقنده کي مشکلاته رغما بورالرك ترانسيت تجارتنک توسى ايچون اک مساعد محيطلر اولديغنده شبهه يوقدر . ترانسيت تجارتى ديوپ کچيلم . بو تجارت ، مملکته اخراجات درجه سنده اولماقله برابر، مهم ثروتلر کتيرمکه مستعد برشعبه فعاليتدر . بوسورتله اجنبى ماللرك مملکتده کلوب اوزون مدت بکله مه سى مملکت مساعيسنک مثيريتنى اعظمى درجه ده آرتيرير . آنترپوجيلر قزانير ، حاملر ، آرابه جيلر ، معونه جيلر ، تخميل و تخليه عمله سى ، تعمير جيلر ، وحتى سائر عمله کندی سيلرنک پارا اينديکي کورمک مظهرينه نائل اولور، ايش ساحه سى جوغالير . عمله سعيني صانه جق ده جوق مثبت قارشيسينده قالير . بوتون بوفوائدک تحصيل هپ اجنيلره سهولت کوسترمکه وابسته برشيدر .

بونلر ترانسيت تجارتنک اک ابتدائى تاثير ليردر . بوتجارتک توسى ، بر جوق مملکتلرده گورلدیکی وجهله ، عيني زمانده تجارت بحريه يي ده توسيع ايدر . واپورلر محللرنده کيدوب امتعه تجاريه آرامغه آليشيرلر . بو صورتله کيجيلک ده باشقه برقيض و رفعتنه مظهر

اولور . تجارلرك ده جوق کلوب کيتمه سى ده باشليجه بر منفعتدر . بوده تجارت عموميه ساحه سنک کيتيشله سنى موجب اولور . بو ماللرك آنترپولرده سيغورطه ايديله سى سايه سنده مملکت آبرجه بر واردات ده تدارک ايدر .


نهايت بو ترانسيت تجارتى مملکتده عمومى مفازله لرك وجود بولماسنه سببيت ويرير . وارانته مامله سى يعنى بوکونكى قونشمتو آلم و صايمنک اک متکامل شکلى وجود بولور . بتون تجارت بتون بانقه جيلق بوندن مستفيد اولور .

بوقيصه ايضاحات بر مملکتک، سربست منطقه شکنده بر ترانسيت محلى احداثدن تولد ايدده جک فائده لرى کوسترمکه کفايت ايدر . استانبولى برين الملل ترانسيت مرکزى حاکنه قويمق شبهه سز بو اعتبار ايله صوکر درجه شايان اهميت بر کيفيتدر . اصل ايش بو خصوصده ايله ايديله جک فوائدک درجه سنى وايشک قابليت تطبيقه سى نقاطى اولچمکده در .

استانبول لياناي ايچون حياتى براهميتى حائز اولان بونقطه لرى ديگر بر مقاله مزده آبريجه تدقيق ايدده جکمز .

ابراهيم فاضل

استانبول دارالفنونى اقتصاد مدرسى



موسيقيدده «ته کنیک» و «اوريزيناليته»

تهسته تيکدن دوغان ته کنیک، صنعتده غايه دکل واسطه در . تهسته تيک سبب ، ته کنیک نتيجه در . وصنعتک اساس غايه سى «افاده» در . کرک کندينه خاص وسايطله وکرک ديگر صنعتلرک يارديميله روح وحيات بشرى نرم ايدن موسيقى ؛ (رتم ، مهلودى ، آرمونى) ، (ته مير) و بونلره حاکم اولان (سوز وژه ستک نفوذى) کي عنصرلرى ، وسايط اجرايه سى و ته کنیکيله، حسک انفسى لسانيدر . ايدده آله دوغرى بر يوکسلمه نتيجه سى اولان صنعت ؛ بشر بنده وطن طائميان بر مال مشترکدر . مع مافيه بوايدده آل عرق و وسطله دکيشن بنيله آراسينده تحقق ايدرکن وسطلرک اختلافى يوزندن بر عيني دورک آثار صنعتکارانه سى آراسينده پک درين بعضى اعراض حصوله کله بيلير . فقط بو مهم نتيجه آنجق درجه ناليه ده در . زيرا (دور) دائما عرقه حاکمدر . وحتى اکثريا تمايلاتى تعديل بيله ايدر . ايشته عرقلرک بو خصوصى قراقلرلرندن (ته قوللر) ميدانه کلشدر .

ادوار ، اشکال و ته قوللريله موسيقى تاريخى مطالعه ايتش اولانلرجه معلومدرکه ته قوللار، موسيقينک آنجق کافي درجه ده تام و بالخاصه (افادوى) عناصره مالک اولدينى زمان تشکيل ايتشلردر . اسكى واورته دورلرى ورده نسانسى احتوا ايدن اسكى صنعتک بيتيمنه قدر آروپا موسيقيسى محلى تخالفلردن متولد

پک درين مبانيت عرض ايتمکسرين هان هان بربرينه موازى بر حرکتله يورومشدر . اون بدنجى عصرده باشلايان يکي صنعتده درکه هر عرق خصوصى دهاسنى اظهار ايدده بيلمشدر . فلاسيک ، رومانتيک صنعت و صنعت حاضره حياتى آنجق او قوتلى واسطه يه مديوندر . باح ، بهوفن ، و واغنه رى دورلر آراسينده خط وصل يان ، اونلرى دورلرک اوج بالاسنه چيقاران قدرت ده ته کنیکدن باشقه برشى دکلدردر .

تهسته تيکده فلسفه سى مطالعه اولونان صنعت و اونک ته کنیکى شبهه يوق حياتدن قوت آلمشدر ، حياتله برابر تکامل ايتش و آنجق بوسورتله حياتک افاده سى حالنه کله بيلمشدر .

اونک ايچيندرکه موسيقى تاريخندن اول اجتماعي اته برابر عمومى تاريخ ، مدنيت تاريخى مطالعه اولونميدردر . صنعتک صورت و اسباب تکاملى آنجق اوزمان گرگى کي آکلاشيله جقدر .

نته کيم شرق صنعتک وسطاى وضعيتى واونک اسباب اجتماعيه سى دخی ينه عيني صورتله توضح ايدده جکدر . غرب صنعتى قارشيسينده ، شرق صنعتک بوکونكى حالى ؛ غرب و شرق حياتنک متقابل وضعيتدر . الانورقه موسيقى الانورقه حياتک عکس طبعيسندن باشقه برشى دکلدردر .

حيات و جمعيته صنعت پيننده کي رابطه ، اجتماعى و بدیى شکلر آراسينده کي مناسبت و تطابق ؛ اجتماعيات علمنجه مثبتدر . (بوغله) (اجتماعيات نه در ؟) نام اثرنده بر (هاندل) اوراتورپوسى و بر (شومان) سوويتنک منسوب اولدقلرى جميتک روحنى فصل افاده اينديکي ، موسيقيلرک ملنلره کوره فصل دکيشديکي ، اسكى دورک (مونودى) سى ، اورته دورک (پوليغونى) سى ، بويوک ايتاليان عصرلرينک (مه لودى) سى نهايت صوکر دورک (سه نفونيسى) . نده کي تسلسل ايله اشکال بديعيه و اجتماعيه آراسينده کي تطابق ايضاح ايتمشدر . اجتماعياتجیلر مبالغه دخی ايتسه لر، محصولات فکريه نك شکل جمعيته ، وصنعتک حياتله علاقه سى حقيقتدر .

آلانورقه موسيقى ترجمان اولدينى جميتک موسيقيسيدر . (اصول و مقام) مجموعه بوموسيقينک ته کنیک ماهيتى ، آروپانک مونوديسنه تقابل ايدر . دو قوزنجى عصرک ديافونيسى ، اون ايکنجى عصرک ده شانى ، اون اوچنجى عصرک قوبوردونى ، اون دردنجى عصرک قونترپوانى، صوکر عصرلرک (آقور) و (توناليتيه) برنسيپلريله تشکيل ايدن ويکي صنعتى دوغوران (آرمونى) سى ، نهايت دور حاضر (سه ننه ز) سى ، خلاصه بوتون بو ته کنیک تکاملدن صکرا اونک بوکونكى افاده سى قارشيسينده شرق صنعتى مونودیکدن باشقه بر صفتله ايضاح ايديله مز . شبهه يوق بو صنعتک قدیم غرب مونوديسيله بنیه جهنتدن هيچ بر مناسبتى يوقدر . اونى عصرلر ايشله مش و بوکونكى متکامل حاله کتيرمشدر . فقط (حيات) افاده سى قارشيسينده او ، آنجق مونودیکدر .

سه نفونى ، باله ، په توم سه نفونیک ، اوپه را ... و بوتون ديگر اشکال موسيقيه نك غرب ته کنیکى وسايط اجرايه سيله نرم اولونان افاده سى قارشيسينده